



嘉定鎮江志卷八

僧寺

敘

寺

丹徒縣

甘露寺在北固山唐寶歷中李德裕建以資穆宗冥福

潤州類集熙甯中主僧應夫因治地獲德裕所藏舍利並手記云創甘露寶刹以資穆皇之冥福時甘露降此山因名乾符中寺焚裴璩重建宋朝祥符庚戌

有詔再修令轉運使陳堯佐擇長老居之米芾寶晉集

甘露寺悼古詩序云寺壁有張僧繇四菩薩吳道子行

嘉定鎮江志

卷八

脚僧元符末為火所焚六朝遺物掃地李衛公祠手植

檜亦焚蕩寺故重重金碧參差多景樓面山背江為天

下甲觀五城十二樓不過也今惟存衛公鐵塔米老庵

三間故作詩悼之有神護衛公塔天留米老庵之句多

景樓記附宮室類樓觀梁時二鑊尚存清暉凝暉二閣廢有堂


曰雨花閣曰海門

永業寺舊在金壇縣東南二十五里後請廢額建在登

雲門外二里

妙喜寺舊在金壇縣東南四十里後請廢額建在通吳

門裏為都統司功德院中有紀忠堂軍師畢再遇列陣



亡將士職位名祠之

紹安寺舊在金壇縣東南一十五里後請廢額建在登雲門裏

靖林寺舊在金壇縣東北一十五里後請廢額建在城西三十里高資市

崇祚寺舊在金壇縣東三十五里後請廢額建在鐵爐招提寺舊在金壇縣西一十里後請廢額建在登雲門外楊李村

善業寺舊在金壇縣西北七里後請廢額建在楊李村東安寺舊在金壇縣藤料沙

缺

嘉定鎮江志

卷八

二

興業寺舊在金壇縣西一百步後請廢額建在丁角鎮南

景靈寺舊在金壇縣治東二百步後請廢額建在丁角鎮南丁村

幽棲寺舊在金壇縣東八里後請廢額建在胡村

梁廣寺舊在金壇縣東三十里後請廢額建在東利涉

門外

丹陽縣

缺

金壇縣

缺

院

丹徒縣

普濟禪院在焦山祥符圖經不載始建歲月但云宋朝改今名僧了元自序元祐三年春普濟庵乏主者白太守楊公乞居於此院舊有海雲堂善財亭

因勝報親院在府治之南三里唐大中六年建曰妙喜寺南唐曰慈雲宋朝改因勝元祐中蘇頌拜尙書左丞請爲功德院乞以因勝報親禪院爲額壁間有集賢學士黃庭堅開堂疏石刻云因勝得名舊矣報親自天錫之又云瓶水爐香終借松楸之潤曉猿夜鶴將從杖屨之遊禮部郎米芾跋

嘉定鎮江志

卷八

三

昭慶報慈院在城西二里僞吳順義三年置曰延壽院宋朝改普慈蘇軾嘗有詩曰普慈寺後干竿竹卽其地也政和間中書侍郎劉逵請爲功德院賜今額

羅漢院在府治西南一里唐天復中安王亡其名捨果園爲之建炎焚毀隆興中講僧崇習重建塑五百羅漢像

京口集有蘇庠羅漢院風漪軒詩

天王感慈院在登雲門裏梁朝建

奉聖院在花山僞吳順義七年置因號花山院宋朝改

今名

惠安院在府治之西祥符圖經云本甘露寺下方浴院

南唐保大中自維揚迎旃檀瑞像於此宋朝改今名後
向文簡公以欽聖皇后賜燕王有功德寺曰資福在廢開封南渡初寺僧負其像至京口再扞以廢額揭之向氏脊紀并文簡像在焉

報恩院在城南一里本烈帝廟唐乾符中於院南別創新廟而故廟爲報恩院

福因智果院在登雲門外元符末文肅曾布初入相請建守墳院賜今額

安聖院在登雲門裏紹興中始扞小庵後建爲院取安聖廢額揭之

黃杜普濟院在城西南二十里僞吳乾貞三年鎮海軍

嘉定鎮江志

卷八

四

司馬府城都軍使徐知諫建曰資福院祥符四年改今名

海會院在城東南一十五里舊曰尊聖院祥符圖經不載始建之時寺僧云天聖中改今名

登雲院在城西北二里唐建宋朝改爲惠安今城中亦有惠安院

顯慈院在五州山熙甯癸丑故相陳升之再入爲元樞建守墳院請於朝賜今額寺舊在山之腹升之手自裁定曾文肅布與客王律曾遊有詩並見京口集注云日觀卧雲山中絕景建炎兵火寺徙於山下非丞相自定

舊基

顯慶崇福院在三里岡

顯孝褒親院在城東北六十里圖山之下內有駙馬錢景臻像舊名東霞寺後改今名

靈建院舊在金壇縣東南二十五里後請廢額建在東利涉門裏

寶城院舊在金壇縣東北一十八里後請廢額建在登雲門外二里

丹陽縣

廣福院在縣東北五里祥符圖經不載舊曰觀音院宋嘉定鎮江志

卷八

五

朝天聖間有僧來掛搭相傳以爲每出緣化則常潤眞揚同日見之因號四世界後有高僧言四世界者日光菩薩也僧聞之卽跌坐而逝治平末賜額爲壽聖隆興中改今名院有玉乳泉三字文惠公陳堯佐書

餘見故井泉

相劉正夫元祐中罷儀真教官過之留詩後人立石院內

金壇縣

缺

嘉定鎮江志卷八終

嘉定鎮江志卷九

道觀

敘 缺

觀

丹徒縣

華陽觀在城東北五十里丹徒鄉馬墅村宋元嘉初置

曰仁靜觀

唐魏法師碑在觀內胡楚賓文

宋朝政和八年改今名

丹陽縣

延昌觀在縣南一里梁大同中建曰永興觀宋朝治平

中改今名舊集女冠紹興庚辰郡檄改爲道士觀

嘉定鎮江志

卷九

一

歸真觀在縣東南五十里唐開元十四年置曰清虛觀

宋朝祥符中改今名

金壇縣

太虛觀舊延真庵在縣治南二里宋朝紹興十七年道

士李善應造龍圖蔣璨書額淳熙十五年取廢額爲今

名

崇真觀在南洲去縣十里梁大同二年置隋大業三年

廢唐宏道元年復建舊名金壇觀宋祥符中改今額 陳德

昭有宿崇真觀詩見京口集

清真觀去縣十五里漢元壽初建賜額望僊隋大業末

年廢唐天寶間復建宋朝祥符中改賜清真其大殿寶元間建梁朝道士郝尊師養道成功從以二虎歸隱茅山良常洞今殿前雙檜乃其手植左一株四榦敷花而不實右一株二榦不花而實京口集有文惠陳堯佐詩集仙觀在縣東南二十五里金山鄉梁大同初置隋開皇末廢唐大歷三年重建廣明初里人張彥記

華陽觀與崇壽觀相近梁昭明太子舊宅也任真君亦嘗居此其東有冬溫泉拍手輒涌起唐寶歷初於崇元觀南置聖祖院卽其地也先是李德裕鎮西川製老子孔子及尹真人像等移潤州因將至此奉安德裕爲記嘉定鎮江志

卷九

二

見本集宋朝治平中賜號鴻禧宣和初改今名京口集有吏部洪興祖華陽撫掌泉詩

玉虛觀在縣西四十里唐長慶中建曰靈寶觀宋朝治平初改今名

洞虛觀在縣西五十里陶村卽梁陶隱居之故廬隱居仙去遂爲觀曰仙居唐長慶中石記在焉宋朝天禧中改今名皇祐初大名從事郭震記

沖寂觀在縣西南三十里上元鄉梁朝徐道士捨宅爲之初曰宗真觀唐貞觀中曰昇元宋朝祥符中改今名京口集劉圖南避寇有詩

遊仙觀在縣西五十里慶元五年樞密張釜請廢額建

元在縣西二十七里

廢觀凡一十四悉隸金壇曰延陵曰騰仙曰齊正曰清龍曰乘鸞曰

元符曰仙真女冠曰幽巖曰通真曰尋仙曰棲靈曰終靜曰迎仙曰定仙棲靈終靜宋元嘉初建餘皆梁置

院

丹徒縣

黃堂道院今爲仙台觀在縣南二里是爲謚姆飛昇之地謚姆者字曰嬰常居金陵丹陽郡之黃堂潛修至道吳帝時行丹陽市中逢三歲孩子執姆裾曰我母何來姆哀而收育之既長明穎孝敬所居常有雲氣姆異之謂曰吾與汝暫此相因汝以何爲號也子曰昔蒙天真

嘉定鎮江志

卷九

三

盟授靈章約爲孝道明王請以此爲號可乎遂告姆修真之訣已而辭姆飛騰姆密修道法積數十年人無知者至西晉末許真君遜吳真君猛遠詣丹陽來授道法姆曰君等仙名在天昔孝悌王降兗州曲阜蘭公家謂公曰後晉代當有許遜傳吾此道是爲眾真之長留下金丹寶經銅符鐵券令公授吾使掌之以俟子有年矣吾復受孝道明王之法亦以孝爲本今來矣吾當授子乃登壇依科盟授出銅符鐵券金丹寶經并正一斬邪之法三五飛步之術諸階秘訣悉以傳付許君願謂吳曰君當返師之也許君心期每歲來謁姆姆覺之曰子

勿來吾卽還帝鄉矣因取香茆一根南望擲之曰子歸
認茆落處立吾祠歲秋一至足矣語訖忽有雲龍之駕
來迎凌空而去今新城豐城二縣界有黃堂觀乃真君
訪飛茆之跡做丹陽黃堂壇而立祠京口集邵彪有詩

丹陽縣 缺

金壇縣 缺

嘉定鎮江志卷九終

嘉定鎮江志卷九

四

嘉定鎮江志卷十

學校

敘 缺

子目 缺

臧燾傳高祖鎮京口與燾書曰頃學尙廢弛後進頽業
衡門之內清風輟響良由戎車屢警禮樂中息浮夫近
志情與事染豈可不敷崇墳籍激厲風尙此境人士子
姓如林明發搜訪想聞令軌然荆玉含寶要俟開瑩幽
蘭懷馨事資扇發獨習寡悟義著周典今經師不遠而
赴業無聞非唯志學者鮮或是勸誘未至耶想復宏之

嘉定鎮江志

卷十

一

案高祖開創之初猶以崇學肄業爲急可謂知本矣
臧榮緒純篤好學括東西晉爲一書紀錄志傳百一十
卷隱居京口教授南徐州篤愛五經序論嘗以宣尼生
庚子日陳五經拜之

諸葛璩世居京口天監中太守蕭琛刺史安成王秀鄱
陽王恢甚禮異焉性勤於誨誘後生就學者日至居宅
狹陋無以容之太守張友爲起講舍且夕講誦不輟時
人益以此宗之

鎮江府學

此上

御書殿在大成殿後守臣閣學劉子羽建自紹

興癸亥以後累賜宸翰有易書詩孝經論語春秋左氏傳又書之周官篇禮之中庸及孟子樂毅論羊祜傳先聖贊七十二賢贊法帖手詔損齋記總五十四軸皆墨本又有表度傳嘗賜宰臣張浚浚董師江上立石於此

學門教官袁孚以規制未備撤而新之

講堂在大成殿之東舊榜曰半宮今爲成德

三鱣堂在成德堂後楊右史邁書扁東西廊有正錄直學學諭掌計位志道據德居仁由義四齋齋各有爐亭

嘉定鎮江志

卷十

二

張扶重修學記曰鎮江有學始於太平興國五年冬柳開自常移潤八年秋乃發舊創新告遷夫子之廟其顏子孟子以下門人大儒之像各塑繪配享於坐既成刻石紀之且言潤在江南爲上郡有孔子廟當僭僞時闕法莫或崇葺之則知五代以前固有之也寶元中范文正公仲淹載新廟學置田養士迄今賴之因立祠殿庭之後左丞王存爲記元祐中文節林希旣建講堂乃於其後復建三鱣堂爲教官退食之所舍法行士日益眾繼以增置宣和間延康毛友又一新之仍舊者廟及二堂

而已建炎初學舍盡廢而爲倉困獨留廟宇以處
士雖經兵火幸不及焚已而又爲屯兵所據倉官
又撤其餘以營解舍紹興三年端明胡世將復取
之因陋就簡稍加補葺以來學者然舊學仍爲倉
諸生所舍者廟廊而已又五年寶文李謨請於朝
取講堂於倉兩廡之屋十亡六七其所存者又皆
頽圯又二年廟厄於兵火講堂亦焚撤幾半直閣
程邁卽日先治堂舍以處諸生倉卒趣辦僅庇風
雨次作大成殿未及成而趨朝乃度所用舉而畀
之學閱二政雖各以羨餘助修費而財力弗支終
不克集待制劉子羽視學之初卽有意興復會南
北兵寢乃興役凡廟宇學舍之未立與雖立而未
及成者下至庖湍之所皆具惟是講堂之弊三鱣
堂之廢未及修建越數月悉告備焉爲堂皇屋架
大小若干間費役一出於公而邦畛之民弗之知
也

先是守臣閻學毛友嘗撰學記止及
宣和以前扶登載雖詳然未嘗立石

丹徒縣學

縣學在成德堂之東紹興間縣令趙學老重建教官吳
武陵記文在丹徒縣治

學庠在戟門之東經史子集儲於成德堂之右分六

尉取禮樂射御書數揭於上監書教官費墳印置

公廚嘉定乙亥徙於成德堂之東縣學之側

麟鳳碑在講壁間乾道壬辰春教官熊克因閱漢碑

取麟鳳二端圖而贊曰麟胡爲來有王者起曠代一

獲魯狩漢時聖賢感之經絕史止于嗟麟兮維其時

矣有道則見鳳何爲藏儀韶鳴岐千載相望逮時之

衰歌聞楚狂德備舜文覽輝其翔

米芾史云又有一麟鳳圖半篆半隸

以九字九行爲率云惟永建元年秋十月饗時山陽

太守河內孫君見碑不合禮掾重造其銘辭曰漢武

德中興卽政二年辛酉之節首歷四十青龍起云云

又一天有奇鳥命曰鳳皇時下有德民富國昌黃

龍嘉禾皆不隱藏漢德巍巍永布宣揚天有奇獸名

曰麒麟時下有德安國富民忠臣竭節義以修身聞

嘉定鎮江志

卷十

四

愆來善明明我君麟狀一角直下高如足翅如惡馬
鳳冠高尾長甚可怪也今以芾所載漢碑麟鳳狀似
與圖合故摭其語以證之慶元
四年教官陳德一易之以石

泮泉在學之西守臣待制林希所鑿後因濬得石刻

泮泉二字教官楊邁爲剗并亭榜以篆額

李西臺詩禹迹圖在講堂北壁荆國文公王安石手

帖并潤守許遵詩在東壁

學官元日上已郡有會諸生之禮自守臣殿撰曾逮

戶侍張杓始秘撰耿秉又於元日爲訓文以厲諸生

至今不廢文曰習鄉上齒行於元日何也意者曰歲

律又新吾儕之齒益長矣以去歲而視前歲德差進

否業稍修否若猶未也甯不惜歲月之虛度入則事父兄出則事長上去歲之所已行者隱之於心如有未至則自今已往安可復以去歲之所以事之者事之乎三綱五常之訓非吾儕踐履尙誰望邪彊學將以待問幼學期於壯行一歲之間所得於經訓而有所悟入者何語所蘊於胷中而期以施設者何事後生可畏焉知來者之不如今毋虛過後生之日而駸駸於不足畏之境曾子曰吾日三省吾身回念去歲其不省之日多矣可不戒哉 又論學文曰學校之設非以士之貧而食之也又非欲羣其類而習爲文

詞也不農不商若何而可以爲士非老非釋若何而可以爲儒事親從兄當以何者爲法希聖慕賢當自何門而入道德性命之理何如而明治亂興衰之故何由而達考之古以爲得失之鑒驗之今以究因革之宜此士之所當用心也自孔堂高弟猶勤勤問仁問智問孝問政問所以爲士請之於師而辯之於友後世之士不逮遠矣儻離羣索居而蔽其所習則固陋乖僻無自而進於道聖人憂之著爲成書以詔萬世教養漸染以俾之講習立師儒之官以董正之此開設學校之本意也升堂而講以質諸公之所疑命

題而試以察諸生之所蘊今不惟視爲文具且並與文具而廢之矣教官自訓導之外無他職事勵之以修潔之行勉之以有用之學庶幾仰副聖天子作人之意

丹陽縣學

缺

金壇縣學

缺

子目

缺

丹徒縣 祥符圖經載夫子廟在縣西二里是時尚未立學蓋州縣立學自慶厯始崇觀以後附在郡學東隅今之縣學乃紹興丙寅宰趙學老創教官吳武陵記立嘉定鎮江志

卷十

六

石在縣治西廡乾道庚寅宰韓元老曾修

丹陽縣 祥符圖經載夫子廟在縣治東偏慶厯中依

廟爲之元豐初鼎盪縣尉王致堯刻石紀其畧建炎焚毀惟存大成殿額摹政元御書紹興壬戌令吳芑建講堂明年劉長民又作兩廡及齋舍乾道己丑陳玠重建獨殿仍舊東西齋六曰求仁曰好義曰隆禮曰篤信曰教忠曰教和

金壇縣 祥符圖經載夫子廟在縣治東其後依廟建

學陋甚紹熙初宰李采重建堂曰明倫閣曰尊經齋舍器用俱備晦庵先生侍講朱公熹書額永嘉葉適記邑

人劉宰書至嘉定壬申余子壩來貳郡宰唐士列立石

書院

丹徒縣 缺

丹陽縣 缺

金壇縣 申義書院在希墟前太府寺丞張鎬參政文

簡公綱之孫以其居去庠序遠因建書院招名師合族
之子弟教之且撥田爲經久計邑人劉宰爲取孟子申
之以孝悌之義名之

兵防

自吳孫權都京城理水軍起樓櫓謹斥候魏人撤

嘉定鎮江志

卷十

七

兵遠徙京口之兵莫彊焉晉宋以來兵權總於刺
史刺史帶持節都督者不但統京口兵或督中外
軍事或督諸州軍事六朝經理中原率由京口興
師不得不合兵權於此唐初潤州刺史特領一州
非六朝事權比至乾元有丹陽軍建中有鎮海軍
元和間始併二軍爲一是時節度觀察使或統諸
道或統數州然破龐勛破李希烈皆京口兵爲之
則晉人謂之可用宜矣宋朝懲唐末五代兵驕將
專之弊選州兵壯勇者部送京師以補禁衛餘留
本城雖或更戍然罕教閱熙甯七年始詔京畿諸

路兵分置將副無復出戍有警而後遣謂之將兵
元豐四年又詔團結東南路諸軍如京畿法凡十
三將浙西路爲第三將而將兵昉乎此今州兵有
係將不係將係將五禁軍也不係將崇節牢城也
浙西路鈐轄今駐平江秋閱則按其事事已復歸
而潤有州鈐轄則自紹興二十八年守臣楊揆奏
請始又按祥符間京口有新水軍營以水戰南方
之所長也自紹興十一年分屯禁旅水軍有
御前都統制領之而當郡不復置開禧間嘗置防
江一軍未幾改隸都統司嘉定乙亥待制史彌堅
以防江爲今重
事復請於朝

子曰缺

嘉定鎮江志

卷十

八

水軍 吳志張紘傳注孫權對劉備曰吾方理水軍當
移據秣陵時權正屯京

樓櫓 孫韶收父河餘眾繕京城起樓櫓

北府兵 晉郗愔在北府徐州人多勁悍桓温云京口
酒可飲兵可用深不欲愔居之

義軍 劉裕克京口義軍斬桓元驍將吳甫之皇甫敷
元大懼使桓謙屯東陵謙等士卒多北府人素畏伏裕
莫有鬪志裕與劉毅等分數隊進突謙陣將士無不一
當百

萬鈞神弩 宋武帝之破盧循也軍中多萬鈞神弩所

至莫不摧陷輿地志唐顏山西有宋武帝積弩堂

步騎 梁中大同初侯景渡采石邵陵王綸率步騎三萬發自京口直指鍾山出賊不意大破之

鎮海軍 唐建中二年置

宣潤弩手 韓滉爲鎮海節度德宗在奉天淮汴震駭

滉訓練士卒鍛礪戈甲稱爲精勁分兵戍河南帝狩梁州滉請以鎮兵三萬助討賊有詔嘉勞李希烈陷汴州滉乃擇銳卒令裨將王棲曜李長榮柏良器進討次睢陽而賊已攻甯陵棲曜將彊弩數千夜入甯陵希烈不知之良器揮弩手善游者泅汴渠夜入及旦伏弩發賊乘城者皆死矢及希烈坐幄希烈驚曰宣潤弩手至矣遂大敗東解甯陵之圍復宋汴之路漕路無梗安靖東南滉功居多

樓船 韓滉造樓船戰艦三千柁由海門大閱揚威武

丹楊軍 新唐書地理志丹楊軍乾元二年置元和二

年廢

按舊唐書紀元和五年十一月浙西奏當鎮舊有丹

陽軍請併爲鎮海軍從之與志年月小異

舊書楊從阜

挽硬 鎮海軍節度李錡增廣兵眾選善射者聚之二

營號挽硬

甲士 敢死士 咸通五年龐勛陷都梁城辛讜言於泗洲刺史杜愔請出求救於淮浙閏月甲辰至潤州見鎮海節度杜審權審權乃遣押牙趙翼同讜將甲士二千人救泗洲浙西軍至楚州未進讜曰我請爲前鋒乃募選軍中敢死士數十人迎賊死戰揚旗鼓諫而前賊見其勢猛銳避之

後樓兵 鎮海軍節度周寶募兵號後樓都子輿統之孱不能御軍伍橫肆廩給倍於鎮海驕不可制

凌波軍 南唐竊據每歲五月許民競渡籍其姓名盡蒐以爲兵號凌波軍盧絳以功授凌波軍都虞候吳越

嘉定鎮江志

卷十

十

兵圍京口絳率所部舟師突長圍來救

新舊水軍營 祥符圖經載舊水軍營新水軍營並在州治西北三里舊營乃南唐故跡新營祥符六年詔立營廢久矣

都巡檢營解 長編大觀元年十二月御筆江浙之民輕揚易搖盜竊間作承平日久兵弱勢單一有警急無以制禦阻淮帶江不可不防可相度於杭越之錢塘西興楊潤之瓜洲西津淮口之盱眙臨淮各置都巡檢一員兵給二百人刀魚船五隻各於江淮岸側置營解屯守分部地界凡沿淮巡檢悉隸之以時巡察姦盜

汰冗兵 紹興元年夏四月浙西大帥劉光世一軍月費錢十六萬米三萬石辛卯上問宰執幾何可以贍足范宗尹以其數對且曰若汰其冗而留精兵三萬可以足用上曰待作手書與之直示朕意

募敢戰之士 四年冬十月知鎮江府沈晦過闕言大將與帥臣各有所職若全倚大將恐不能辦遞年杜充總大兵在建康而帥臣陳邦光不爲措置及充迎敵而邦光被繫以至周望去而湯東野逃郭仲去而李鄴降皆坐此也望撥零兵二千付臣併令臣募敢戰之士三千參用昭義步兵之法期年後京口便成疆藩東晉嘗謂京口兵可用故北府兵號爲最精唐亦用宣潤弩手平淮甸時方以韓世忠屯軍在府其言不用又乞促張浚統兵爲世忠之援時宰執皆稱晦議論激昂

赤心奇兵兩軍 金左監軍撻辣居祁州而其眾尙留陳楚浙西大帥劉光世守鎮江欲携貳之乃以金銀銅爲三色泉其文曰招納信寶獲金人則燕餞而遺之未幾踵至得數千眾皆給良馬利器用之如華人因創赤心奇兵兩軍頗得其用

防江軍 開禧二年冬楚州申敵犯清河宜備江面奉旨令閣門陳煥因守臣待制宇文紹節措置防江本府

招募能水武藝効用并廂軍共一千六百人充本府防江水軍又關撥都統司温州福州防秋把隘海船四十五隻及勸客船二十七隻招到梢碇水手八百餘人通二千四百八十餘人辟差統領將佐措置軍器衣甲屯駐焦金山一帶防捍江面與都統司人船編排字記於沿江上連下接各擇緊要隘口地分防守至開禧三年五月奉旨以二千人爲額以鎮江府駐劄御前防江軍爲名溢額人數仍舊遇闕銷豁其統領將佐官兵並泊焦山時未有營廨也守臣趙師舜於石公山之東起蓋一千三百間置教場以練士卒軍伍既成續江面平息嘉定鎮江志

卷十

十一

將海船并梢碇水手申朝廷給據放散至嘉定六年八月樞密院劄下總領錢仲彪都統劉元鼎將防江見管軍兵九百八十九人及衣甲軍器等並撥付都統司水軍及諸軍收管其統領將官照江上離軍恩例與添差在外差遣一次

防江軍衣甲器械

防江軍旣隸大軍凡本府素來

自備衣甲器械併行撥去嘉定甲戌守臣待制史彌

堅請於朝謂州兵自古有之今招填闕額禁軍方議

練習而軍器闕然是州兵無用也欲乞給還器械並

寨屋充本府禁軍演習居止使用二月樞密院劄下

都統司盡數撥還今本府具已拘收數目申元發往

都統司軍器

鐵甲一千一十九副麻扎刀五十柄白木鎗七百七十條手射墨漆角弓一百

張手射角弓絃二百條弓箭鞞鞞一百六箇弓箭三萬一千六百隻火藥弓箭五百隻墨漆木弓一百二

十張苦竹槍頭一千六百箇弩箭鞞鞞三百五十七箇火藥弩箭五百隻斧七百柄斧刃子四百八十箇

鐵叉三百柄大鼓二十面小鼓八十面銅鑼一十面腰刀四百口旗大小一千二百九十八面都管皮

四百二十條箭隔九十條都統司撥還軍器 甲六百副

一條蒺藜火炮二百箇 槍七百七

十條麻扎刀五十柄腰刀三百口腰斧三百柄箭鞞鞞

鞞鞞一百六箇隊鼓三十面大鼓一十八面金一十面

墨角弓一百張新絃二百條黑木弓一百二十張弩

箭鞞鞞三百一十二箇鐵鍋一十口弓箭一萬三千

入百隻旗大小一千九十六面小鼓五十面又三十

五柄手刀一百口手斧四百柄槍頭一千六百箇斧

刃子一百八十箇都管皮二百八

十三條箭隔二十二條餘未發到

嘉定鎮江志

卷十

十三

禁軍 元額管全糧二千一百三十人嘉定癸酉秋不

足五百人率充局次諸廳雜役而老弱不啻什伍待制

史彌堅按籍都閱汰其疲羸籍其子弟廂卒之彊銳者

陞刺焉仍立賞格散募招補至乙亥春揀中八百十五

人隊外剩員不與

禁營在府治之西

威捷第四指揮額管全糧五百一十人見管大小五

百人全糧三百二十六人 揀中二百九十六人隊外三十人 剩員小

分一百七十四人闕全糧一百八十四人

全捷十八指揮額管全糧四百人見管大小分二十

九人全糧二十四人

揀中一十五人隊外九人

剩員五人闕全糧

三百七十六人

威果三十六指揮額管全糧五百一十人見管大小

分一百三十人全糧一百二十二人

揀中一百九人隊外一十三人

剩員八人闕全糧三百八十八人

威果六十二指揮額管全糧四百人見管大小分一

百六十四人全糧一百四十四人

揀中一百四十人隊外四人剩

員二人闕全糧二百五十六人

雄節第十指揮額管全糧三百一十人見管大小分

三百二人全糧二百八十九人

揀中二百五十五人隊外三十四人剩

嘉定鎮江志

卷十

十四

員一十三人闕全糧二十一人

廣固指揮 舊有廣固營在西夾城內廢久

廂軍崇節指揮 會要熙甯元年十二月樞密院言廂

軍近已團結教閱武藝欲給威邊京西路軍額請受以

州軍大小定人數自三百人至百人仍改軍額內兩浙

曰崇節並加教閱二字於軍額上從之四朝史志四年

樞密院言諸路廂軍名額猥多自騎射至牢城凡二百

二十三其間因事募人團立新額而教閱廂軍併爲一

額餘從省廢其移併如禁軍法奏可遂下諸路以州大

小高下爲序每指揮毋過五百人內兩浙曰崇節

廂軍牢城 元額管全糧三千四十六人嘉定癸酉秋
止管四百餘人至乙亥春簡核陞黜之外禁軍改刺丁
壯新招共得七百三十人分隸雜役 三百六十一人

崇節十三指揮額管全糧五百四十一人見管大小
分一百七十人 全糧一百六十
五人半糧五人 闕全糧三百七十六

人

崇節十四指揮額管全糧五百四十一人見管大小

分一百四十五人 全糧一百四十
四人半糧一人 闕全糧三百九十

七人

崇節十五指揮額管全糧五百四十一人見管大小

嘉定鎮江志

卷十

十五

分一百七十四人 全糧一百六十
八人半糧六人 闕全糧三百七十

三人

崇節十六指揮額管全糧五百四十一人見管大小

分一百八人 全糧一百六
人半糧六人 闕全糧四百三十五人

牢城第四指揮額管全糧四百四十一人見管大小

分七十五人 全糧七十
人半糧五人 闕全糧三百七十一人

牢城第五指揮額管全糧四百四十一人見管大小

分八十一人 全糧八十
人半糧一人 闕全糧三百六十一人

威輔堂 舊教場在夾城西長巷內規橢卑狹雨則沮

渰軍士不足以容守臣待制史彌堅徙於石公山卽防

江軍教場也去城八里與焦山相對東西濶四十九丈南北長五十六丈鼎創將臺射亭一十九楹名曰威輔取威武文德輔助之義春秋禁旅教閱於此

止戈亭 亭在郡治守臣日閱士卒之所分禁旅爲六隊教以武藝每五日課射給犒而激厲之亭初成待制史彌堅記曰皇朝以禁兵分戍列郡措意深密厥後悉上之制寢隳郡各因其舊數爲額闕上招募雖稍戾本指然壯侯蕃以衛王室以威不軌以定民志猶初意也京口實江表形勝余至郡席未暇煖簡核軍實視故籍不能五之一而工技擊者無百人問諸老胥舊校則曰

嘉定鎮江志

卷十

十六

中興以來是邦屯駐大軍不賴州兵爲重故兵備寢以單弱今糧簿不五百人而疲羸且十六七率爲它役庇占開禧兵覺起守臣嘗請諸朝置防江軍已而尋盟則防江軍改隸都統州兵不振有自來矣余心惕焉以爲鑿城築池効死弗去誰責任責而兵願如是可乎則按籍都閱立格去留黜侏儒者降廂卒而廂卒之彊壯者陞焉執它役者還隊伍而尪弱疲曳者退焉其存者不十之三則又散募子弟丁壯合舊兵得八百人先是閱場直子城之西列屯之後池跨下雨輒湓淖且回僻爲守者不得朝夕視教習特具文耳余暇日行郡後荒圃

默計可爲小射亭則築垣畚礫除而抵之又上言於朝謂防江軍雖廢其器械營舍宜歸之州家朝如請下統司次第給還旣又按行其營拓舊閱場立堂五間扁以威輔爲春秋蒐獮之所而小射亭則以止戈名之分新軍爲隊隊各百三十人置部將六員其甲冑房簞之屬則創庫以藏隊別其號以便於給納間五日角射藝教陣法決拾坐作候正金鼓頗漸諳習願精能激惰兵不可以無賞日引月長賞不可以不繼適郡之屠務有遺利歲可得七千緡儲以給賞月費六十萬錢而鼓角旗幟皆謹亮而精明之禁旅訓齊則又練巡尉之兵創徵

嘉定鎮江志

卷十

七

邏之卒使之嚴扞擷而肅警捕越明年秋大閱威輔郡之軍容稍稍改觀余退而思之佳兵者不祥之器而天生五材誰能去兵吾夫子嘗聞俎豆之事矣而又曰我戰則克蓋思患豫防有備無患兵之善志也今天子以禮樂治天下何事於兵而余戇書生又非能知兵者區區志念特以謹侯度述所職耳乃若填刺未及故籍則必得尺度如格不敢便文自營於以待後之人庶幾盡復其舊故記其畧於止戈而聞其事於朝省其凡目則載諸案牘及圖經云

巡鋪

初廂無巡鋪官無軍巡待制史彌堅謂濱江爲

郡軍民錯處戢姦弭暴宜不若是疎乃於五廂江口鎮

創置巡鋪二十八所以二十八宿為記鋪各廂軍二名

專充巡徼東西廂五鋪第一鋪在小市東角字記第二鋪在後軍寨門前亢字記第三

鋪在甘露寺井亭氏字記第四鋪在登仙

橋房字記第五鋪在土牢巷口心字記

第一鋪在千秋橋尾字記第二鋪在張公橋箕字記第三鋪在嘉定橋斗字記第四鋪在朱方門外字記第五鋪在長

左南廂五鋪第一鋪在榮造橋虛字記第二鋪在遊奕軍前危字記第三鋪

在中山酒庫北室字記第四鋪在屏風

巷壁字記第五鋪在草巷內奎字記

鋪在張師娘巷叟字記第二鋪在道人橋胃字記第三鋪在西花園前昴字記第四鋪在右軍小寨前畢字記第五鋪在東嶽

廟前甯字記

右北廂五鋪第一鋪在鄧家宅前參字字記第二鋪在栲栳閣前井

剝馬務巷柳字記第五鋪在木場巷星字記

江口鎮三

嘉定鎮江志

卷十

七

鋪第一鋪在西北較酒務前張字記第二鋪在潮閣前翼字記第三鋪在墅土山軫字記

夾岡巡鋪夾岡俗分大小名之地勢縈迴岐分山脊

相距曠迥行者惴惴熊叔茂詩僻疑昏有虎靜恠曉

無雞謂此地也守臣殿撰宇文紹彭創置六鋪分撥

邏兵舟行陸走藉以無恐

丹徒縣界小夾岡三鋪第一鋪尉司弓手五人第二鋪西津巡檢司土軍六

人第三鋪地名新豐

丹陽縣界大夾岡三鋪第四鋪經山巡檢司土軍五人第五鋪尉司弓手五

人第六鋪

弓手五人

金壇縣界 缺

聞兵 元額一百三十人存者無十之一守臣待制
史彌堅奉旨濬渠堰闢落成乃募彊壯會水者三十
人籍爲兵聞官統之及於上閘東側剏寨屋四十楹
充闡兵居止

土軍弓手

丹徒縣 西津巡檢司土軍額管一百八十人見管
九十五人闕八十五人 尉司弓手額管七十五人
無闕 圖山巡檢司土軍額管一百八十人見管九
十五人闕八十五人內分撥茆輪江巡捕三十人先
是嘉定四年守臣待制傅伯成準樞密院劄子爲江

嘉定鎮江志

卷十

九

淮制置使司申措置把截私販海湖舟船事劄付本
府日下措置或合移防江軍於圖山石牌衝要去處
屯駐專一教習水戰及與兩寨同共防警本府遂措
置海船選差防江官兵關撥軍器於界內把截外條
陳於上曰圖山去本府水路百里石牌又在江陰之
下去本府水路三百六十餘里節制非便縱使無此
利害圖山石牌正緣根盤膠固囊橐爲姦今移置此
軍將來恐又生一圖山石牌非能爲益欲且從舊焦
山置營有合更戍處具於後圖山之下約水路百三
十餘里有小河寨屬常州小河至申港七十餘里有

申港寨由申港至江陰三十餘里由江陰至石牌十八里有石牌寨皆屬江陰軍置寨之所皆係控扼要害各有巡船若使寨兵用命私販及盜船無有不獲相承爲姦事非一日圖山小河之間又係本府及常州兩界首每遇盜發巡尉互相推託少有捕獲其地有包港一處劫盜之所出沒其外新沙居民頗眾又其下則有焦子門兩山地勢尤險今相度欲於包港置寨屋五十間防江軍更戍一百五十人將官一員三月一替仍撥船三隻分番在船泊於沙岸又於圖山撥六十人船兩隻同共防邊蓋兼用兩寨則無與盜交通之弊分番更戍則無根株盤固之患實爲利便其小河申港等處事屬他郡恐別有便利亦乞從朝廷行下本處相度是年六月十九日奉旨依至六年八月防江軍撥隸都統司後止差圖山寨兵三十人

丹陽縣 尉司弓手額管一百二十人見管一百三

人闕一十七人 延陵巡檢司土軍額管七十七人

見管二十六人闕五十一人 經山巡檢司土軍額

管九十六人見管八十一人闕一十五人

金壇縣 尉司弓手額一百六十人見管九十五人

闕六十五人

子目 缺

乾道六年鎮江都統制成閔奏制軍之額貴得其當古
人自五人爲伍五伍爲兩積而至於爲師爲軍有定數
未嘗紊雜竊見鎮江軍馬往年係遊奕選鋒前右中左
後水軍人軍後來浸廢遊奕選鋒併作六軍本路屯駐
額管四萬七千人除招填外闕五字 千人其餘五軍或多
至九千八或少止七千人每將或多至三千人或少止
一千人非特多寡不同而亦隊伍不齊臣今欲將水軍
以五千人爲率分作三將餘每軍以七千人爲率分作

嘉定鎮江志 卷十

三

五將每將各據所隸軍分均撥隊伍將見隸諸軍親隨
使臣衙兵合併作一處乞添置遊奕一軍如此則軍伍
齊整親督教練第其能否以別勤怠自然上下相維小
大咸勵軍政修明可責成效兼鎮江諸軍兵將所部軍
伍多寡不同所定員數參差不一皆是前後帥臣一時
差補卽無正授付身苟且因循何以激勸臣欲乞每軍
差統制官一員統領官二員每將差正將一員副將一
員其各用準備將緣本司路當要衝每歲護送國信人
使分遣淮東諸州防托及沿淮巡檢揚州牧放差使之
類皆要有心力將官部轄每將欲差準備將二員上件

兵將官乞從本司銓量保明申朝廷正行給降付身日
後有所補差並依此例五月二十四日奉旨鎮江府駐
劄御前諸軍以前右中左後水遊奕七軍稱呼水軍以
三將餘軍以五將共三十三將統制官以七員統領以
一十三員水軍止差統領一員正副準備將各以三十
三員爲額內受朝廷付身及本軍差權二年以上並特
與正差未及二年人且與權差候年限及取旨與差仍
令成閱開具合差人數職位姓名申樞密院

前軍寨

范公橋一普照寺下一石頭巷一天慶觀巷北一

右軍寨

西門裏一灣門橋一

西門外牛家坡一經家灣一施水坊鋪二

中軍寨

仁和門裏一門外二鶴林門一通吳門外東河

嘉定鎮江志

卷十

三

村

左軍寨

鶴林門裏塘墘山下一門外二

後軍寨

長橋門一東海門一

水

軍寨

洗馬橋一西津西倉前一金雞嶺一

遊奕軍寨

光孝觀一八角樓前一鶴林門裏西

花園前一鶴林門外一丹徒縣前一仁和門裏雙望子後一

龜兒寨一百一十二間

前軍大寨三百二十二間

前軍小寨六十間 後

軍寨二百二十七間

中軍寨二百一十間

都統衙

中軍寨六十七間

左軍寨二百五十九間

左軍寨

五百四十八間

右軍小寨九十三間

雄江右軍寨

三十二間

雄江左軍寨一百一十七間

遊擊軍寨

三百六十二間

總効軍寨二十四間

遊奕前軍寨

百八十八間

遊奕後軍寨六十二間

背鬼軍寨五

十間 廂禁軍寨三十二間 拱衛軍寨百一十三間
閘兵寨四十間 延陵巡檢寨在鎮內 經山巡檢
寨元在經山側今移在練湖埂上去縣二十里 包港
寨在永濟鄉潘莊之東守臣待制傅伯成奏請擲置禦
江盜始以防江軍兵更守今撥寨兵守之 牧放寨基
昔在尙德鄉縣東北十里今廢爲民田 西津寨在縣
西北五里大江岸上 圖山寨在縣東南五十里圖山
下戰艦都統司戰艦數內車船在江南岸斷妖港擺泊
戈馬船海船輕舠多槳在下鼻港擺泊而竄船海秋等
却在江北揚州岸擺泊設有緩急非大潮汎倉猝乘駕
嘉定鎮江志 卷十

三

慮不及事嘉定甲戌奉旨令鎮江都統司開濬本府海
鮮河那移江北戰船一就江南梢泊從守臣待制史彌
堅之請也

按建炎二年六月言者以爲東南武備利於水戰宜
於江上廣造戰艦列於南岸己卯詔沿江措置限一
月畢審此則戰艦在江之南中興初固以爲便矣

嘉定鎮江志卷十一

古蹟

敘缺

居宅

敘缺

丹徒縣

晉刁韞宅在城西南四里近宅有橋韞因毀為航號長廣航

南唐林仁肇宅在今之朱方門外一里後為故相蘇頌

居第頌以仁肇忠勇乃為立廟于宅之東側蘇氏譚訓仁肇

嘉定鎮江志卷十一

廟今在前軍寨之山上甚小

贊善大夫陳翊築室京口徐鉉有送翊還鄉序有云戴

仲若軒垂之地不減風煙蒲真人鹿跡之鄉依然川域

詳見徐鉉集

宋故相秀國陳升之宅在朱方門外范公橋之南蘇氏

譚訓載之甚詳今為後軍寨并酒海酒庫京口集有升

之營所居詩及沈括陳丞相宅避暑詩括筆談云秀公

治第于潤極為閎壯宅成已疾甚惟肩輿一登西樓舊

總所中酒庫相對運河東岸側有秀公亭後廢

翰林學士三司使沈括宅在朱方門外之東自誌云翁

年三十許時嘗夢至一處登山花木如覆錦山之下
有水澄澈極目而喬木翳其上夢中樂之將謀居焉自
爾歲一再或三四夢至其處習之如平生之遊後十餘
年翁謫守宣城有道人無外謂京口山川之勝邑之人
有圃求售者及翁以錢三十萬得之然未知圃之何在
又後六年翁坐邊議謫廢乃廬于潯陽之熨斗洞爲廬
山之遊以終身焉元祐元年道京口登道人所置之圃
恍然乃夢中所遊之地翁歎曰吾緣在是矣於是棄潯
陽之居築室于京口之陘巨木蓊然水出峽中停縈沓
繚環地之一偏者目之夢溪溪之上聳爲邱千木之花

嘉定鎮江志

卷十一

二

緣焉者百花堆也腹堆而廬其間者翁之棲也其西蔭
于花竹之間翁之所憩榭軒也

京口集有
榭軒詩

軒之瞰有閣

俯于阡陌巨木百尋闕其上者花堆之閣也據堆之崩
集茅以舍者岸老之堂也背堂而俯于夢溪之顏者蒼
峽之亭也西花堆有竹萬箇環以激波者竹塢也度竹
而南介途濱河銳而垣者杏背也竹間之可燕者蕭蕭
堂也蔭竹之南軒于水澁者深齋也封高而締可以眺

者遠亭也居在城邑而荒蕪古木與豕鹿雜處客有至
者皆頻額而去而翁獨樂焉漁于泉舫于淵俯仰于茂
木美蔭之間所慕于古人者陶潛白居易李約謂之三

悅與之酬酢于心目之所寓者琴碁禪墨丹茶吟談酒
謂之九客居四年而翁病涉歲而益羸濱槁木矣豈翁
將蛻於此乎

長興集

今半爲前軍寨

故相魏國公蘇頌宅在化龍坊

今日化隆

與陳升之宅相近

卽林仁肇故居也頌新居成次七弟大夫韻有版築多
遺址經營信昔緣之句注舊址乃林仁肇故宅版築時
猶有舊甍雙林亦溫陵人而家此今余居有之信非偶
然耳頌始建第皆法故相杜衍務爲儉素曾肇銘頌之
墓曰築第京口僅庇風雨蘇氏譚訓曰頌以宮使居化
龍之新第著百韻詩代家訓具述祖先基業平生艱勤
嘉定鎮江志

卷十一

三

訓飭子孫俾謹守家法無墜世緒

知院蔡卞宅在登雲門裏與莊定公王存宅相近舊有

閣曰元儒亨會之閣徽宗御書額其地今爲右軍寨

中書侍郎劉達宅在長橋之南建炎末爲宣撫司

丹陽縣

晉王珣宅在丹陽縣南一里後捨爲朝陽寺

梁武帝宅基在塘頭村卽位幸舊宅觀舊井井上梨棗

並見時所植尙存

唐桓彥範宅

缺

張祐宅在□□祐字承吉元和中作宮體小詩辭曲

豔發窺建安風格以曲阿地古澹有南朝之遺風遂築室種木而家焉顏萱後經其故居已易他主詩見類集陸澧宅在丹陽嚴維有自雲陽歸晚泊陸澧宅詩見類集

權德輿宅在練湖上德輿有送其叔赴晉陵詩序云德輿舊居丹陽去晉陵百里又有憶江南舊居詩曰結廬常占練湖春歲久莫識其處

宋樞密副使邵亢宅在耿岡中書舍人蔡肇宅在竹塘村

陳輔居縣之南郭

嘉定鎮江志

卷十一

四

金壇縣

宋參知政事張綱宅在金壇縣西之希墟村

知樞密院事湯鵬舉宅在東之小墟村紹興丁丑二公並為執政邑人呼張為西府湯為東府云

陵墓

敘缺

陵

丹徒縣

宋興甯陵在縣東南三十五里武帝追尊曰孝皇帝諱

翹初仕郡為功曹元和郡縣圖志孝穆趙皇后本傳高祖之母

葬丹徒縣東鄉諫壁里雩山陵曰興甯

孝懿蕭皇后本傳孝皇帝之繼室亦葬丹徒興甯陵崩時年八十一遺令曰孝皇背世五十餘年古不祔葬且漢世帝后陵皆異處今可於營域之內別爲一壙孝皇陵墳本用素門之禮與王者制度奢儉不同婦人禮有所從可一遵往式乃開別壙與興甯陵合墳初高祖微時貧約過甚孝皇之殂葬禮多闕高祖遺旨太后百歲後不須祔葬至是故稱后遺令施行

胡婕妤本傳文帝之母葬丹徒陵曰熙甯榮陽廬陵衡陽三王墓並在域東

嘉定鎮江志

卷十一

五

丹陽縣

齊宣帝休安陵在縣北二十八里高帝父也追尊爲宣皇帝

景帝道生永安陵在縣東北二十六里明帝父也追尊爲景皇帝

高帝道成泰安陵在縣東北三十一里

武帝頤景安陵在縣東三十二里

明帝鸞興安陵在縣東北二十四里

並元和郡縣圖志

輿地志

云泰安陵景安陵興安陵在故蘭陵東北金牛山其中邱埭西爲齊梁二代陵隧口有大石麒麟辟邪夾道有

亭有營戶守典之四時公卿行陵乘舩自方山由此入蘭陵升安車輶傳驛置以至陵所梁文帝順之建陵在縣東北二十五里武帝父也后張氏謚文獻合葬輿地志云梁大同元年作石麒麟自京師由曲阿中邱至陵所初甚難近陵二十餘步忽如躍走時以爲瑞帝不悅終有侯景之亂

按建康實錄及隋志曲阿縣建陵隧口石麒麟起舞皆在大同十二年與志異又碑曰太祖文皇帝之神道武帝父順之仕齊爲領軍將軍封臨湘侯武帝卽位追尊爲文皇帝廟號太祖見姚思廉陳書及南史

嘉定鎮江志

卷十一

六

并建康實錄武帝大同中作石麒麟乃置于此墓至歐陽修集古目錄乃以此碑爲宋文帝長甯陵自在蔣山見沈約宋書及建康實錄甚明此乃梁文帝建陵特其八字與文帝廟謚偶同爾

武帝衍修陵在縣東三十一里后郝氏先葬天監七年詔修建二陵周回五里內居人賜復終身大同十年武帝駕幸蘭陵謁建陵有紫雲蔭覆陵上食頃乃散帝望陵流涕所需草皆變色陵傍有枯泉至是流水香潔辛丑哭於修陵詔曰朕違桑梓五十餘載展敬園陵但增感慟園陵職司共事勤勞並賜位一階并加頒賚唐貞

觀十一年詔令百步禁樵採

簡文帝綱莊陵在縣東二十七里簡皇后王氏合葬詔曰簡皇后窀穸有期昔西京霸陵因山爲藏東漢壽陵流水而已朕屬值時艱歲飢民弊方欲以身率下永示朴厚今所營莊陵務存約儉有港名蕭港直入陵口陵前石麒麟高丈餘寰宇記云梁簡文帝陵有麒麟碑

金壇縣

缺

墓

丹徒縣

吳孫氏墓在城南

嘉定鎮江志

卷十一

七

按孫氏諸陵堅曰高陵在曲阿權曰蔣陵在鍾山惟策在丹徒爲許貢之客所害後權稱號追諡策曰長沙桓王陳壽嘗言割據江東策之基兆權尊崇未至故此不稱陵而稱墓類集謂孫氏陵在城南復取何遜行經孫氏陵詩附之誤矣蓋遜所題乃權墓也

晉邨曇墓陳時東征北軍于丹徒盜發曇墓見建康實錄

褚裒墓在城南七里

宋神士墓少帝時南徐有一士子從華山往雲陽與客舍中一女子相與死因合葬呼曰神士冢出系蒙太平

廣記載

南唐徐知諫妻贈東平郡君呂氏墓在普濟院之左知諫記文尙存乾貞三年己丑沙門令威立石

宋兗王李從謙墓在城南之望城堙俗呼爲兗王墳其石翁仲一尙在適吳門內河西岸聖井子之旁

京西轉運使蘇舜元墓在五老山端明殿學士蔡襄銘尙書左丞莊定王存墓在仙風里翰林學士曾肇銘

祠部員外郎秘閣校理贈少師王介墓在蒜山東荆國文公王安石文忠公蘇軾皆有挽詩見集中

介之子延康殿學士王漢之墓在黃杜村馬鞍山中

嘉定鎮江志

卷十一

八

書舍人程俱銘

光祿卿王罕及其妻夫人狄氏子昭州平樂縣主簿潞並葬崇德鄉永安里丞相岐國公王珪銘

禮部郎中米芾墓在黃鶴山中書舍人蔡肇銘

芾之父左武衛將軍贈中散大夫口母贈丹陽縣太君閻氏皆葬於此山

同知樞密院事林希墓在馬跡山門下侍郎許將銘

尙書左丞諡安惠鄧潤甫墓在下鼻塘

秘書監知應天府翟思墓在鐵鑪山

思之孫兵部侍郎翟紱墓亦葬其山之東南阜

朝散大夫知楚州陳向墓在長山之白雲崗內翰沈括
銘

丞相文肅曾布墓在長山之相公灣

布從子左奉議郎知舒州曾纁葬丹徒鄉內翰汪藻
誌

正議大夫曾口墓在獨市村

朝散大夫提點杭州洞霄宮蔡淵葬東霞山翰林學士
毛友銘

吏部尙書蔣猷墓前志云在五州山之西阜

今按內翰汪藻誌猷墓乃云葬明州鄞縣鳳翔鄉隱

嘉定鎮江志

卷十一

九

學士之東尚未知孰是故兩存之

中書侍郎劉達墓在汝山其子居實自爲誌

資政殿學士趙野墓在圖山之陽靖康初野過高密爲
賊所害紹興中招魂葬此

觀文殿學士諡忠簡宗澤墓在京峴山顯謨閣學士曾
懋銘近守臣吏部侍郎俞烈重建饗堂

承議郎知眞州劉公彥墓在金山寺地內

開府儀同三司詹文墓敕葬白兔山榮國夫人何氏墓
附

資政殿學士詹度墓在白兔山今其族居縉雲

供備庫副使贈武顯大夫向子莘墓在官塘橋西北長樂山朝議大夫吳說碣子莘子所生母永康縣大君夏氏妻靜安縣君曾氏及其子婺州義烏丞游沂州司刑曹涂監行在贍軍北酒庫徵建康排岸漳皆葬於此山第六子直徽猷閣荆湖北路轉運副使洵之妻令人俞氏及其次子奉議郎通判常德府士裴墓在長山龍圖鄭□墓在謝家灣

殿丞周□墓在繆家山南
尙書郎洪□墓在繆家山

運使高□墓在官塘橋東

嘉定鎮江志

卷十一

十一

兵部郎張頡墓在橫山尙書凌景夏誌

通奉大夫淮南運判孫蓋墓在馬鞍山

後湖居士蘇庠墓在馬跡山金橋村大萊

知處州柳仲丞墓在黃茂山

節度使魏勝墓在汝山之漩水灣

都統制諡毅武王勝墓在城西朱家灣

成肅皇后父謝冀王墓在鶴林門之東南

太原郡侯贈節度使王剛墓在城南七里堽

直顯謨閣呂擢墓在汝山之漩水灣

壺齋先生眞州教授周孚墓在檀山

朝奉郎通判范邦彥墓在京峴山南

朝請郎西外宗正丞張大允墓在寶蓋山

鄉貢進士姜謙光墓在繆家松塔灣

湖州教授陳珙墓在義里鄉分流村西

朝請大夫知辰州王萬全墓在白兔山

建康府教授田曉墓在京峴山北馬鞍山

步帥果州團練使劉超墓在長山

中奉大夫成都運判霍篋墓在汝山

權馬司左領衛將軍張良顯墓在長山

殿帥節度使郭鈞墓在長山

嘉定鎮江志

卷十一

十一

宣義郎將作監主簿馬元穎妻榮氏合葬墓在汝山

贈少師應安道墓在長樂鄉青山

武義大夫何淮墓在京峴山南西營村

總管佐領衛將軍李師閔墓在長山

迪功郎常州武進縣主簿孔璿墓在丹徒鄉圖山之陽

孔子四十九世孫建炎南渡後寓居因葬於此

成忠郎孔珪墓在丹徒鄉圖山之陽璿之弟

丹陽縣

吳孫堅墓在吳陵港土人至今稱爲孫墳以其最大異於他墳又呼曰大墳

按堅征襄陽爲黃祖所殺吳志及建康實錄皆言還葬曲阿後權稱尊號謚堅武烈皇帝墓曰高陵

晉周氏墓在延陵西六里

包氏墓在延陵北一里

梁宏偃將軍墓在石羊子有八冢大小相接

按蔡佑雜記云丹陽縣北瀕河十八里地名石羊子有牧童見雉雞逐之入土穴中遂告其主人夏里正卽穿其穴乃一大冢繼爲人所告就獄具說有碑石碎而沈於練湖中求之不獲云是宏偃將軍墓梁朝人追取到銅器制度皆不甚古或云爲縣所易墓有

嘉定鎮江志

卷十一

十三

四室在旁中間一室二厦開是時余官京口目覩茲事乃政和丁酉歲也

宋三司鹽鐵判官邵飾墓在彭泉村御史裏行陳洙誌龍圖直學士邵必墓在□□

必之子通判邵約史墓在□□

樞密副使邵亢墓在耿堽村

將作監主簿章友直墓在縣金牛山東園荆國文公王

安石銘

直秘閣知盱眙軍俞長吉之墓在經山

隱居竇從周墓在呂城之東南五里

金壇縣

漢左恢墓在縣北一十八里毗陵先賢傳云恢字伯嚮曲阿人累拜尚書左丞京師稱其清高後遷會稽太守左忠墓在縣南一十八里先賢傳云忠字思和曲阿人凡爲七邑所至有異政

吳左思墓在縣北一十八里先賢傳云思字公行雲陽人材量雄偉孝行純篤累遷會稽餘杭長沙三郡守

晉吏部東陽太守袁宏墓在縣西一十五里

周祇墓在縣北七里建康實錄祇爲國子博士宋武帝遣劉敬宣伐蜀祇以書諫帝不從敬宣果無功而還

嘉定鎮江志

卷十一

三

宋司空錄尚書徐羨之墓在縣西南二十里羨之東海郡人

梁中書舍人給事中王國侍郎袁興祖墓在縣東一十三里興祖字道生捨所居宅爲法中平等寺勒碑紀實散騎侍郎巴陵太守潘闡之墓在縣東二十五里闡之字文昌廣識多能爲琅邪巴陵二郡太守

唐戴叔倫墓在縣南三里翰林學士右補闕梁肅撰神道碑

宋屯田郎姚闢之族弟姚存族姪純孟皆嘗知某縣時顯者稱長官二人葬金壇鄉人稱之至今曰姚長官墳

知岳州陳孝威墓在上元鄉之西張莊

中書侍郎諡忠穆張慤墓在上元鄉望張之原

宗正丞蘇嘉墓在上元鄉去茅山十里郡人蔡雍誌

徽猷閣待制曾統墓在方山之原

統之孫吏部尙書曾暎亦葬此山

直寶文閣知建康府張鎮墓在縣西方山

右文殿修撰知桂州張君胄墓在上元鄉之西張莊

大理少卿譚知柔墓在縣西強塘之原

右司知常州莊必彊墓在縣東五里橫堰

參知政事諡文簡張綱墓在希墟

嘉定鎮江志

卷十一

十四

知樞密院事諡敏肅湯鵬舉墓在小墟

大理卿吳交如墓在上元鄉三培之原

奉直大夫知吉州王萬樞墓在上元鄉白水塘之原

雲茅居士劉蒙慶墓在方山之麓

稻田提舉堵閏墓在唐安鄉南戴莊

嘉定鎮江志卷十二

宮室

樓

丹徒縣

多景樓在甘露寺天下之殊景也始因焚蕩再建蠹齋周孚稱樓非舊址唯東面可眺三隅暗甚詩云往時百仞山丹陽麗朝日江天富佳致收攬不遺一匆匆熙豐事電往那可詰故基誰爲徙勝概從此失如窺一面網反墮三凌室幽懷鬱塵霧老眼暗髹漆乾道庚寅守臣待制陳天麟乃重徙建爲記曰多景樓不知其所始與

嘉定鎮江志

卷十二

一

所以名寺興於唐繇李衛公以後登北固題詠者皆不及多景則樓當建於本朝無疑獨不知其歲月初爲樓者誰也今樓中石刻有米公元章詩且云禪師有建樓意故書禪師不載何名當元章時尙未樓而東坡先生熙甯甲寅歲自杭過潤與孫巨源王正仲會於此賦江天斜照傳於樂府不知與元章賦詩時歲月相去幾何豈有之而中廢耶或云熙甯中主僧應天爲之是皆不可知也考丹陽類集寺凡樓觀四曰雨華清暉凝虛多景其一也劫火之餘蹤跡難辨近歲有言於太守方公滋者指優婆塞之居爲舊址公因以其所名之啟窗東

鄉僅得圖汝焦石數山長江一曲則景固未嘗多也謂此爲是是又未可知也下臨峭壁岸稍稍壞難於立屋主僧化昭危之乃相地於寢堂之西爲屋五楹勝以元章舊跡登者以爲盡得江山之勝蓋東瞰海門西望浮玉江流縈帶海潮騰迅而惟揚城堞浮圖陳于几席之外斷山零落出沒於煙雲杳靄之間至天清日明一目萬里神州赤縣未歸輿地使人慨然有恢復意則是樓也安知其非故處不然亦足以實其名矣京口氣象雄偉殆甲東南北固瀕江而山聳峙斗絕在京口爲最勝而今之建樓之地又爲北固勝處昭蜀人也胷中不錄

嘉定鎮江志

卷十二

二

錄故於是舉爲宜其後秘撰耿秉重修吳堦詩云幾年殊草創今日見天成勝曰天下第一江山

北固樓或名爲亭輿地志北固山有亭屋五間蔡謨以置軍實劉牢之敗爲其子敬宣所焚梁武帝改固爲顧有登北顧樓詩則其名久矣乾道己丑守臣待制陳天麟建有記至嘉定甲戌待制史彌堅命郡吏搜訪得之碑裂爲三而失其一然其後尙可讀也記曰北固京口

闕九

上至梁樓壞爲亭武帝登望

闕七

百餘年所謂亭

者邈不知何許

闕五

於圖經者舊云甘露卽其地其然

闕五

載別嶺入江高數十丈三面臨水號曰北固予觀

京口諸山起伏繚繞出入城府率如瓜蔓旂綴今甘露最近江屹立西鄉而山南北皆闕一字田蓋昔江道也與

南史所云合矣予于連滄觀之西爲亭面之而復其舊

名則甘露之爲北固其亦安之而不辭矣夫六朝之所

以名山蓋自固爾其君臣厭厭若九泉下人甯復有遠

略茲地控楚負吳襟山帶江登高北望使人有焚龍庭

空漠北之志神州陸沈殆五十年豈無忠義之士奮然

自拔爲朝廷快宿憤報不共戴天之讎而迺甘心恃江

爲固虜則予是亭之復不特爲登覽也舊亭在郡圃後

紹熙壬子殿撰趙彥逾徙亭于山西向規制狹小至嘉

嘉定鎮江志

卷十二

三

泰壬戌閣學黃由增廣之

喜雨樓在嘉定橋東嘉定甲戌守臣待制史彌堅鼎建

有記

丹陽縣

缺

金壇縣

缺

臺

丹徒縣

缺

丹陽縣

缺

金壇縣

武功臺在金壇縣宇西池中有石記後爲縣尉鄭儒毀

去惟龜趺存焉

詳見金壇縣治

亭

丹徒縣

濟川亭在潮閘之南守臣待制史彌堅建并書舊有安流亭圯陋弗葺嘉定甲戌渠濬閘成撤而新之凡十楹爲重客候潮區薄之所

皇華亭在丹陽館南後通潮渠守臣顯學張子顏建

需亭在府治西九里江津之上漢末劉備自詣京口見孫權求荊州權遙表漢以備爲荊州牧權自饒備於江上觀望久之謂備曰孤與公掃清逋穢迎帝定都事甯嘉定鎮江志

卷十二

四

之日願與公乘舟遊滄海耳備對曰此亦備之志也以沂江發棹處攷之正當此地舊亭絕小乾道己丑守臣陳天麟重建

送舟亭舊名南新亭在丹陽館南

晚山亭在連滄觀下

丹陽縣

神亭輿地志云在延陵縣西三十里卽吳長沙王策遇太史慈處也吳志孫策策渡江轉鬪所向皆破進擊劉繇於曲阿繇同郡太史慈偵視輕重時獨與一騎卒遇策於神亭策從騎十三皆堅舊將韓當宋謙黃蓋輩也慈

便前鬪正與策對策刺慈馬而孿得慈項上手戟慈亦得策兜鍪會兩家兵騎並各來赴尋解散繇與策戰兵敗走丹徒策入曲阿勞賜將士後於涇縣獲慈策捉其手曰甯識神亭時耶若卿爾時得我云何慈曰未可量也策大笑曰今日之事與卿共之

金壇縣

缺

堂

丹徒縣

妓堂在城東南唐李德裕題北固山詩云班劍出妓堂注郡城東南有謝公妓堂遺跡

嘉定鎮江志

卷十二

五

丹陽縣

缺

金壇縣

缺

公廨

敘

缺

治所

祥符圖經載官舍除州治外凡十二處通判在

州衙西偏推官在州衙南門外西偏州院司理

院並在州衙南門外兵馬監押在州衙西南監

清酒同監清酒監茶稅同監稅監織羅務並州

衙西門外監堰在州西南二里迴車院在西北

一里蓋是時郡寮之數止如此其後寢多始時別乘一員今增爲兩員其下又有簽判矣始時都監一員今增爲五員而其上又有鈐轄矣始時推官一員監當官共七員今推官分爲節察二員而監當則有監倉監庫監酒監稅監關及排岸巡鋪作院等官矣兵官監當員眾無定居不能盡述

郡治

總領所在府治西南月觀之下

供軍堂隆興二年總領洪适建

嘉定鎮江志

卷十二

六

花信亭洪适建

得江樓洪适建記曰江出岷山行萬里至于朱方受浙引淮益大以肆衝激洄折過海門而東之潮生洲滅不見垠隄駭濤靜練瞬息異狀金焦二山屹然中立形勢雄絕于是爲最昔人謂長江當百萬之師而曰天隔南北得其險也至於轉漕得之則陳陳銜舳費減流馬浮家者得之則布颿千里朝發夕屆行商得之則輶載奇貨什一可逐騷人得之則可以導詞源助子墨漁者得而網罟耕者得而漑灌算計見効隨其所得江固自若也予官寺占鐵甕之西登墉以望巨浸橫前境與心遠

有地數畷窳闕高下吏卒散處猶蜂房然會羽書不馳
官事少閒徙茅茨去蕪穢立屋其顛以得江扁之右爲
供軍之堂左爲花信之亭堂言職亭言景也當沈迷錢
穀之問神耗思滯攬鏡自嘆非復故吾伺隙一至如起
宿痾如逃醉鄉長川遙岑寄我清嘯陰晴朝莫無時不
勝豈直吞入九雲夢而已顧瞻裴回以今監古考戰爭
之陳迹憤侵陵之近事飲馬之役春秋所必報予再書
下考視蔭懷歸天開風競中流擊楫後之人將於此而
觀之

仁亭乾道元年總領曹逮建

嘉定鎮江志

卷十二

七

愛山堂淳熙二年總領文惠錢良臣建

紬書堂淳熙八年總領宇文子震建

小蓬萊宇文子震建帥幕鄧諫從上梁文

山春亭杏亭並宇文子震建 右供軍堂花信亭得江

樓愛山堂杏亭錢仲彪重修

一笑亭嘉泰三年總領梁季昶建取黃魯直詩坐對眞
成被花惱出門一笑大江橫

丹徒縣治

向吳亭在府治之南三里唐陸龜蒙詩秋來頻上向吳
亭其更號通吳驛不知始於何時乾道庚寅守臣秘閣

蔡光給公帑緡錢命丹徒宰韓元老重建仍復唐舊名揭之

監務廳在縣東北二里一百步今廢

丹陽縣治 缺

三賢堂令徐文度立郡貳校書陳謨記國錄李琪制迎送神辭蘇庠勉陳東赴京手帖在焉

金鷲池 缺

金壇縣治 缺

監稅廳舊寓慈雲寺嘉定中宰黃朴監務廖昌緒創建

倉

嘉定鎮江志

卷十二

敘 缺

丹徒縣

轉般倉紹興七年每上江糧運至鎮江冬則候潮開占舟而防摺運綱兵亦復侵耗運使向子諶乞置倉以轉爰爲名諸路綱至卽令卸納從之在大圍橋西北前臨潮河後枕大江淳熙戊戌守臣待制司馬伋總領葉翥運副陳峴三司同創開禧初守臣待制李大異增爲五十四敖逮今約儲米六十餘萬石外續納米餉敖少不足以容司庾者擬於總所大軍倉借敖交受然以朝家椿積寄之他司出納混淆兩皆不便嘉定甲戌守臣待

制史彌堅念濱江積貯最爲利濟要須儲蓄百萬以便轉輸倉後隙地尙可展拓新開歸水澳去倉密邇就運澳土積成敖基力省功倍乃以借敖增敖利害諭于朝奉旨起蓋敖宇二十座以乙亥五月庚申鳩工八月甲午竣事

都倉在府治之東南卽學宮故址也舊敖八歲久傾摧所貯無幾守臣待制史彌堅增創倉宇併葺其舊而新之越數月始畢記曰直子城東南隅是爲都倉歲久弗葺椽桷朽蠹垣壁隕缺上雨旁風儲峙弗嚴庾氏司出納無一席地以蒞事執筆循除而坐俛首塵糝中尙何

嘉定鎮江志

卷十二

九

望會計當耶西成旣秩民租廩至舊敖褊隘不足以受所委則假他司空廩而寄藏焉發歛無定所輸受者始交病矣嘉定癸酉九月余來守是邦怪而問之屬秋入方殷黽勉故態明年夏因稍給之隙始先葺新而規廣之築土增高使絕浸潤疏剔蕪壅以去流潦甃甃級石累塹層庀礮密剛壯俾利永久列爲十有二敖因舊而增葺者半之官廳神祠門關之制尙所闕典今悉備具肇工于次年四月二十八日斷手於十月二十二日屋以閒計合六十費羨餘之泉凡千二十萬米一百五十五石民不知役而倉已新夫積貯有邦之先務蓋藏有

司之常職靳小費苟歲月而恃假寓以爲安是槩常職而慢先務也余爲郡不能自閑補罅疏壅扶僵植壞政條稍稍舉乃以餘力而營斯倉倉成會歲大稔復斥公帑糴粟實之以備不虞於積貯先務詎能補萬分一庶其不廢有司之職云爾

戶部大軍三倉南倉在范公橋東北倉在子城西西倉在江津歲久弗葺嘉定壬申總領錢仲彪次第修葺閱再葺而三倉一新積貯充劬

丹陽縣

常平倉在縣東北一里普甯寺北

嘉定鎮江志

卷十二

十

金壇縣

常平倉在縣治東南五十步

庫

敘缺

丹徒縣

戶部大軍庫在樞貨務之北

甲仗庫在丹徒縣東紹興十二年建以封樁御前甲仗庫名嘉定壬申總領錢仲彪重修官溝界至舊爲民冒占者復歸於官矣

四酒庫中庫在長橋之北西庫在果子巷內西上庫在

淶水橋之西江口庫在京口閘之西

寄椿庫在府治西舊爲新倉

効士上酒庫在軍資庫南

効士下酒庫在南山亭之東守臣待制史彌堅創

公使錢庫在架閣庫前

戶部贍軍庫在竹竿巷西

酒庫八仙庫在大圍橋之東八角樓在小圍橋之西眉壽中山二庫在縣橋南清和樓在刁家巷雙望庫在仁和門裏酒海在朱方門外諸樓亦各有庫

丹陽縣

嘉定鎮江志

卷十二

十二

常平庫在縣衙內

金壇縣

缺

驛傳

按唐宰相世系表姚頊浙西館驛巡檢徐鉉集尙慤潤州館驛巡官又知丹陽縣呂延正兼檢點館驛迎送公事是則前代亦嘗名官矣

丹徒縣

高資館在義里鄉高資村離城三十里昇潤往來之衝淳熙十二年八月文惠錢良臣建

丹徒驛在州治西與丹陽館相近舊呼爲西行衙後爲

添差倅廳

丹陽館在千秋樓之側紹興甲子守臣顯學鄭滋被旨
建南爲中門東西列二館皆向南每北使往來朝廷遣
接伴送伴使至此則主居東館客居西館時弗啟若泛
命使指及監司按部亦憇於此

秦潭驛在丹陽館北面臨漕渠卽蕭閑堂之故基按茅山洞

中有蕭閑居堂名取此陸龜蒙京口與友生
話別詩云荷徑遶秦潭注秦潭始皇所開

丹陽縣

使館在縣東五里面臨漕渠紹興丁卯令蘇忠規建

金壇縣

嘉定鎮江志

卷十二

三

舊有華陽館在縣南三十里唐貞觀中建

延陵館在縣治西五十步唐聖曆中建後廢今館驛在

縣治東南一百三十步

郵傳

敘缺

丹徒縣

縣一十四鋪三百二十四人登雲門外西接建康界首

六鋪

施水坊鋪離城下鋪六里半鋪兵一十六人下鼻
鋪離城十里半鋪兵二十六人樂亭鋪離城一十

七里鋪兵二十六人洪信鋪離城三十三里半鋪兵一
十六人高資鋪離城三十里鋪兵二十六人炭渚鋪係

界首離城四十五里鋪兵二十六人江口西津東至丹陽縣界計八鋪西
津

鋪至城下鋪六里半鋪兵二十六人城下鋪至城內千
秋橋西口口鋪兵二十六人南門鋪在南水門外六
里半鋪兵二十六人張家山鋪離城六里半鋪兵一十
六人丹徒鋪離城一十三里鋪兵二十六人潤壁鋪離
城二十五里鋪兵二十六人陶莊鋪離城二十八里半
鋪兵一十六人新豐鋪離城三十五里鋪兵二十六人

丹陽縣

本縣額管七鋪計一百八十二人壩頭鋪離城四十四里鋪兵二十六人石

羊子鋪離城五十三里鋪兵二十六人斜橋鋪離城六十二里鋪兵二十六人青陽鋪離城七十五里半鋪兵二十六人凌口鋪離城八十九里鋪兵二十六人柵口鋪離城一百八里半鋪兵二十六人呂城鋪離城一百二十二里鋪兵二十六人

金壇縣

本縣額管三鋪計一十五人橫塘鋪離城九十三里鋪兵五人張莊鋪離城一百

嘉定鎮江志

卷十二

十三

一十三里鋪兵五人城下鋪離城一百四十里鋪兵五人

務

敘

丹徒縣

織羅務潤州造羅務舊課十二日成一匹王子輿制置江浙匹減一日自後功課不及歲終頗以鞭箠督促眞宗聞之謂左右曰如此之事朝廷何由得知蓋貪功邀進之人爲國生事當詔悉如舊制因察在京諸司有此類者悉革之紹興二年鎮江織造務歲貢御服花羅數千疋兵興罷貢至是內藏庫舉行守臣胡世將奏民力

涓弊無所從出有司劾世將違旨府寮皆懼世將曰以
身任諸無憂戊寅詔罷之上曰軍興匱乏豈可以御服
之物爲先且省七萬緡以助劉光世軍在塘埕山知錄
兼管

都商稅務在丹陽館南

江口稅務在還京門外

都酒務

比較東務在道冲觀相對

比較西務在洗馬橋西

榷貨務都茶場在嘉定橋之北隸總所提領開禧以來

嘉定鎮江志

卷十二

十四

兩創外轄嘉定甲戌復歸總所今廢

丹陽縣

酒稅務在縣東四里一百步

呂城酒務在鎮內

金壇縣

缺

場

敘

缺

丹徒縣

造船場在江下

草場在常平倉東北

丹陽縣 缺

金壇縣 缺

嘉定鎮江志卷十二終

嘉定鎮江志卷十二

十五

